

金史詳校

金史詳校卷二

烏程施國祁學

卷九

章宗紀一

始習本朝語言文字 文元作小是

遣滕王府長史臺御院通進膏 臺世紀補作再興膏

元作膏世紀補作阿里刺

稱謝於慶和殿 和北作賀非

二十九年

己酉 宋濬
熙十六年

癸亥始聽政 此下當加遣吏

部侍郎徒單鑑使宋告卽位 案紀及表傳皆失載據

宋光紀補

丙午以祔廟禮成大赦 案世紀補五月甲午顯宗追諡
後與世宗同祔廟而紀不書者尊帝統也

復與奴主男女 主元作生是

爲御史太夫 太元作大是

詔諸有司身承應人 司元作出是 身北作凡非

當選有德行學問之人 學北作孝非

詔有司請親王到任各給錢二十萬 案永中傳章宗卽
位與諸弟各賜金五百兩銀五千兩錢二千貫重幣三
百端絹二千匹再賜永中修公解錢三百萬

知登聞檢院孫鐸

知上當加同

本傳

甲戌乙酉太后幸壽安宮 乙酉元作奉皇是

丁亥次寶坻 亥元作未是

密州進白雉

白下當加鶉白

五行志

仍罷巡鹽使

罷下當加西京解州

志

明昌元年

庚戌 宋光宗紹熙元年

王尉

尉當作蔚

勅外路求世宗御書

世當作顯

案滏水集顯宗御書

藏祕閣銘云越我顯考天章奎畫光賁於臣庶之家有

司其募上凡諸金帛宜視所獲卽此

二月 案此月宋乙酉朔見袁文襄牘閒評正合

遣諸王 遣下元有諭字是

寒食給假五日

集禮天眷二年五月十三日詳定所奏

准元正冬至寒食各節休務三日上元立春秋社上巳
端午立秋重陽一日皇統五年四月勅旨夏至中元下
元各二日人日中和節七夕春分立夏立冬各一日天
德二年十月勅自旬假外年節前後各一日清明冬至
各一日其餘並不給假大定二年閏二月九日奉勅清
明與假三日三年十一月奏定元日寒食前後各一日
冬至立春重五立秋重九各一日 癸辛雜志別集引
續夷堅志縣上火禁并平時禁七日喪亂以來猶三日
相傳火禁不嚴則有風雹之變社長輩至日就人家以

雞翎掠竈灰雞羽稍焦卷則罰香紙錢有疾及老者不能冷食就介公廟卜乞小火吉則然木炭取不煙不吉則死不敢用火或以食曝日中或埋食器於牛馬糞窖中其嚴如此戊戌歲賈莊數少年以禁火日飲酒社樹下用柳木取火溫酒至四月風雹大作有如束箱柳根者在其中數日乃消又言火禁中人雖冷食無致病者案集禮載列朝節假寒食三日第攷續夷堅志縣上火禁七日喪亂後猶三日而此文令假乃給五日比他節似重未詳其制惜無他書可互證也

五品以下 下元北並作上是

乙巳擊毬於西苑 乙元作已是

祁雨於社稷 祁元北並作祈是

復祁雨於太廟 祁元北並作祈是

以祁雨 祁元北並作祈是

幸壽慶寺 壽慶已作慶壽與元本合

戶部尚書鄧儼等曰 至上是履議 一百十五字當削

案文與鄧儼徒單鑑傳複

讓蔭兄弟子姪者 姪北作侄非

諭之曰 至母但附合於尚書省 四十六字當削改作宣

諭 案文與王脩傳複

二年

辛亥
宋二年

劉禹錫

禹北作宗非

禁以太一混

混下已加元與元本合

每十五日一朝

日當作月

三年

壬子
宋三年

閏月

案張行簡傳劉道用新厯明昌三

年不置閏以閏月爲三月卽此

亦及事

亦北作不是

胡光謙

甘水仙源錄劉祖謙仙蹟記云玉峯老人胡光

謙爲傳卽此

賜同州人妻

人妻元作貞婦是

丙辰旱灾

元作丙寅以旱灾是

以本職提刑 刑元作舉是

安便優逸 優北作擾非

張汝猷 猷北作猶非 拙軒集送張仲謀使三韓卽此

癸丑獵於近郊 丑下當加臘

賀正旦 此下當加是歲改封并王永中爲鎬王

本傳

卷十

章宗紀二

四年

癸丑
宋四年

董師中等上書切諫 諫語見五行志

夏四月丁酉朔幸興陵崇妃第是日始舉樂 案是日章

宗始釋孝懿皇后喪服必以蔡王從彝立爲趙王孰釐

後故有此幸紀略耳說詳泰和二年

親禘於太廟 滏水集禘禮慶成頌卽此

亦率六學諸生 六學者國子學太學府學及女直亦有

三學

以久雨禳 案金石文字記有潞州五龍祠明昌癸丑祈

晴碑亦是

釋奠孔子廟 滏水集有頌

及河北十六謀克之地 北下當加西路

志

五年

甲寅
宋五年

蔡州文商 滏水集遺安先生王逸賓碣

云所與游皆知名士如文商伯起輩十餘人 拙軒集

與文商伯起二帖一云某啟伯起足下去歲竊食趙郡
略當南北之衝蔡下舊人往來如織時蒙惠教少慰懸
懸某舊年嘗見中山王昭老稱頌伯起高才博學恨未
能識韶護純音思欲趨前飽聽而不可得其傾想向慕
爲何如哉丙午冬某自地官出守蔡州終日兀然如坐
井底閉門卻埽謝絕交親分爲凍蟄枯枿無復有飛榮
之望其况可知會足下自潁汝歸袖刺踵門修桑梓之
敬某亦喜聞其來倒衣出迎都不省屐齒之折也已而
握臂促膝說有談空至領會將無同處了不知賓主誰
何顧此樂豈可與俗兒語耶某自改官餘人例皆旅退

獨足下與鄭秀才相陪信宿翌日解攜靳靳不忍訣去
此情未易忘也所需重陽牡丹詩并眞定有春庵記併
錄附呈可發千里一笑偶緣承乏出使遼右鱗沈羽斷
時閱足下詩文拊卷三歎如對晤語汝南最得春先寒
溫未一尤宜以道自重一云適承告墨具審勿藥有期
良多欣慰汝蔡相去千里而近力疾道路間可量艱苦
腦疽作發大槩服餌金石或祖父嘗嬰此疾傳之遺體
自餘出於不意者又非當理可度當付儻來也某家藏
祕方自宋日名公士大夫累取大效近歲親舊凡患腦
背瘡者亦嘗用之多得平復今如法修合謹封送大劑

及錄本方併希檢入 遣山集東坡樂府引參以文伯
起小雪堂詩話

幸城南別宮 案此卽建春宮屬大興縣承安三年賜名
者

丁酉 此上當加二月

推得

二月甲辰 二月當削

丙戌以天壽節宴樞光殿 案章宗本生於七月二十七
日此七月丙戌正二十七日也下承安二年七月戊辰
同至九月一日十月十五日乃移節也

凡從官及承當人 當元北並作應是

以河東南北提刑使 北下當加路

語載琪傳中 當作語載河渠志

六年

乙卯 宋甯宗慶元元年

以出師遣禮部尙書 遣北作遣非

粘罕胡上 上當作土

承安元年

丙辰 宋二年

至自軍前 前北作中

審決免獄 免元作冤是

庚寅詔復市 寅下當加雨

自今長老太師 太元作大是

特滿郡牧 郡當作羣

大赦改元 此下當加魯王永功進封郢王充王永成進

封豫王

本傳

十二月丙午 此下當加朔

二年

丁巳
宋三年

辛丑宋主以母后喪遣使告哀 十二字

已削

代左丞省襄 省北作相是

胥克又乘之以侵暴 克當作吏

建普天大醺 全真教祖碑承安丁巳六月章宗再詔王

處一至闕下特賜號體元大師及賜修真觀一所十月

召劉處元至命待詔天長觀

無奏刑 刑下當加名

劉頗 頗元作頗

詔集六品以上官 六當作四

移刺益傳

粘割譌持刺 譌當作幹

以樞密使兼平章政事襄知大興府事胥持國爲樞密副

使權參知政事行省於北京 興當作名

持國傳

三十

三字當改作以知大名府事胥持國爲樞密副使權參

知政事佐樞密使兼平章政事襄行省於北京 案文

倒敘不順又大名誤作大興據兩傳改

分遣官於東西北路河北等路中都一節鎮 北路當作

北京 一元北並作二是

十一月甲辰冬至 案宋統元厯作癸卯

江氏說

無禁樵採 此下當加口口以奧屯忠孝等爲賀宋正旦

使 案紀及表傳皆失載據宋甯紀補

十二月己巳朔 己北作乙非

上官踰 踰元作瑜是 案食志作瑜

稱皇叔豫王而不名 此下當加是歲韓王永濟進封衛

王

衛紀

卷十一

章宗紀三

三年

戊午
宋四年

三月戊戌 此下當加朔

始權醋

始當作復

食志

宰相遇雨可循殿廡出入

集禮原廟云比准儀注定到

入內城門非時雨雪許自執小油傘

庚子后宣徽使

此上已加五月

后元北並作右是

五月壬寅

五月已削

請開權場於轄里曩

曩食志作尼要

四年

己未宋五年

楊伯通

此上當加參知政事

封崇國公

崇宗浩傳作榮

勅尙書

此下當加省

詔學校仍舊

案元史裕宗傳嘗曰我聞金章宗時有論

太學生廩費太多章宗謂贍一范文正公所償顧豈少哉其言甚善卽此紀失書

以久雨令大興府祈晴 王若虛滹南集焚驢志云歲己未河朔大旱遠邇焦然未幾而雨彌月不解歲卒以空案與此紀五月以旱禱雨六月雨足報謝七月以久雨祈晴正合

乙未勅京府州縣 未巳作酉

丙申 此上巳加十一月 丙北作甲非

十一月甲寅 十一月巳削

五年 庚申 癸卯定進納粟補官之家 此上巳加閏

宋六年

月 進字當削

以知大興府字下 下元作卞是

已勅諸路按察司 已下北有未是

八月 此下當加辛卯宋前主惇殂

表

天壽節宋高麗遣使來賀 麗下已加夏

東至胡烈公 公元作么是 案獨吉思忠傳作么或卽

兵志之移刺乚

以國使院編修官 使已作史

以河南路統軍使充等 充當作充 案交聘表作充宋

甯紀作充非

泰和元年

辛酉 宋嘉泰元年

勅官司私文字

私上當加公

六月己卯

卯下已加朔

更定右選

右北作古非

以二分之一

二元作三是

宜尙其價

尙北作償

辛亥勅尙書

書下元有省是

五十二卷

二刑志作三

二年

王戊 宋二年

幸芳苑觀燈

芳苑地志作臨芳苑然顯

紀亦但云芳苑

燈下當加辛酉天長觀災

案王鶚

重修大天長觀碑文云泰和壬戌正月望日焚燬今據

補下文三年五月作太極宮十二月賜天長觀額爲太極宮卽此

甲子蔡王從彝母充等太師卒詔有司定喪禮葬儀事載從彝傳 蔡王從彝母五字當削 充等太師元作充等大師四字當改作興陵太妃 事載從彝傳五字當削 霍王從彝傳本名阿憐母田氏早卒溫妃石抹氏養爲己子大定二十五年封宿國公加崇進二十六年賜名瓚章宗卽位封沂王明昌元年諭旨有司曰豐鄆瀛沂四王府各賜奴婢七百人四年詔追封故魯王永功爲趙王以從彝爲趙王後承安元年爲兵部尙書改

封蔡四年除祕書監泰和五年賜今名八年封霍貞祐
二年薨張暉傳霍王從彝母早死溫妃石抹氏養之
明昌六年溫妃薨上問從彝喪服暉奏慈母服齊衰三
年桐杖布冠禮也從彝近親至尊厭降與臣下不同乞
於未葬以前服白衣絹巾既葬止用素服終制朝會從
吉上從其奏錢氏攷異云充等太師當是充華太妃
之譌案官志有充儀充容充媛無充華之名乃太子諸王妃號從彝傳亦未載此事
惟張暉傳云云或卽指此事然暉所議者慈母服制案
妃卒時從彝已出後執帶章宗之問乃疑出後而歸非
服所生之制故暉對有近親厭降絹巾素服之文葬禮且明昌與泰和相隔六七年未可合爲一事也從

彝本充華田氏所生

案從彝與鄆瀛二王不同母傳文可攷諸子提綱因諸姬田氏順文

及之耳其母亦不封充華

曄傳既云早卒何以其卒轉在溫妃之後

尤爲矛盾

章紀明昌四年四月丁酉薨幸興陵崇妃

第是日始舉樂

官志宣徽使下崇妃位提控注世宗

夫人又典衛司注大定二十九年世宗才人寶林位各

設泰和五年閏八月以崇妃薨罷

世宗諸子提綱昭

德后生顯宗趙王執輦

越王永功傳子福孫賜名璐

初爲興陵崇妃養子

賈鉉傳泰和二年興陵崇妃薨

上欲成服苑中行登門送喪之禮以問鉉鉉對曰故宋

嘗行此禮古無是也遂已

案攷異止舉張曄傳溫妃

未檢及賈鉉傳崇妃事宜其年分不合迄無定論蓋崇如爲世宗夫人以無出不見於世宗諸子目中卽昭德后及兩元妃傳皆不附載遂失其姓稱崇者亦用大定禮官議上太祖蕭妃之號耳其在章宗時應爲太皇太妃諡後稱崇始卒稱太是也惟攷從彝傳云追封故魯王永功爲趙王以從彝爲趙王後永功二字乃孰輦之譌其決非永功者駁說別見本傳孰輦爲昭德后所生封趙王見宗室表及世宗諸子傳目竊意昭德薨後崇如必養孰輦爲己子如太祖崇妃蕭氏之養任王偃喝世宗元妃李氏之養豫王永成至孰輦卒復養永功子

福孫亦似爲孰輦立後然傳言初爲養子者不終之謂
緣章宗明昌四年推顯宗母弟之恩以福孫爲同祖昆
弟其屬稍疏故改命同父昆弟從彝爲孰輦後爲之幸
第舉樂無可疑者惜此事傳文譌略耳紀例帝妃王妃
皆不書薨卒故溫妃卒明昌六年不書此特書卒者以
興陵諸妃提控有位典衛有司而章宗欲成服送喪大
貴重之故也蔡王從彝母五字累句當削從彝傳無詔
定喪禮葬儀之文事載從彝傳五字虛設亦當削充等
太師攷異謂充華太妃之譌第太皇太妃卒後不合尙
帶內職且不祔陵名與顯宗諸妃有嫌皆非例也故訂

言卷二
定如此 又霍王從彝有三母本傳早卒之田氏生母也張暉傳議服之溫妃石抹氏卽本傳養子之慈母也賈鉉傳是年書薨之崇妃爲趙王執輦之慈母卽從彝出後之太妃庶祖母也前引二傳以證錢攷後列紀志傳五條以終鄙說

更泰和宮曰慶甯長樂川曰雲龍 中州集章宗有雲龍川泰和殿五月牡丹詩

八月丙申鳳凰見於磁州 月下當加甲午皇子生 案武隣傳無日據傳下文癸酉滿百日推得紀書於丁酉日下非也 又五行志鳳凰見亦在丙申續夷堅志作

四年六月

皇子生 三字當削

獵近郊 近上北有于是

獵用辰 獵元北並作臘是

庚辰初命外官 辰巳作申與元本合

三年

癸亥
宋三年

三月壬申朔 當作己巳朔 案正月辛

未朔則三月安得壬申朔今據天文志癸未月食爲十

五日改

及朝資厯在刺史以上 及下當加隨

五月壬午以重五拜天射柳 午當作申 案宋甯紀四

月己亥朔推得五月當戊辰朔

雨澤分數 澤北作水非

進世宗實錄 世當作顯 案攷異云一事重出非也

卷十二

章宗紀四

四年

甲子
宋四年

諭外方使人不得佩刀入宮 卽高麗傳

梨刀事

水冰 水元作木是

女奚列

此下當加元

表

詔刺史州郡無宣聖廟學者並增修之 案刺史州係籍

生例附於京府故率有未立廟學之處其已立而略見

於志者如沃州

天會間趙某建

甯海州

皇統中建

鈞州

貞元中太守完顏守信建

邳州

宋承縣學金改州建

滕州

宋縣學金改州建

濮州

州人史仲諫建

又略見於

碑刻者如涿州

大定二十七年立

綏德州

泰和元年新修

鈞州

泰和三年重修

多在此年前各州必不止此故云增修

詔定前代帝王

至

從之

七十四字當改入禮志

攷異云

尙書右丞完顏匡罷

右當作左

罷惠川高三州

高下當加遂

志

三當作四

案三州

乃承安升置與遂州不同紀上文不載始置此獨書罷

且其文已詳他志中似可削

咸甯 咸疑作威 案志撫州下不書罷

全安 全當作金 案志屬泰州

罷限錢法 法北作發非

以殿前古副都點檢 古當作右

五年

乙丑 宋開禧元年

自太和三年 太元作泰是

宋人入漣水縣 案宋甯紀五月甲申鎮江都統戚拱結

弓手李全焚漣水縣李全始此

時宋殿帥郭倪

至

新置弓箭手 一百三十八字當改入

僕散揆傳 案文不應傳略而紀反詳

典衛司 此上當加罷 志

攻洛南之固縣 固當作故

六年

丙寅 宋二年 蒙古太祖元年

遣御史大夫孟鑄 大夫當作中

丞

傳

遂罷宣撫司 撫北作府非

以張貞 貞元作眞

完顏王喜 完顏綱傳作王善

妨本職 妨北作以是

撲散端 撲元作僕是

甲子獵於近郊 此下當加以□□□爲高麗生日使

案表亦脫載據謝使補

乙丑初設都提控急遞鋪官 丑下當加夏使謝封冊 表

七年

丁卯 宋三年蒙古二年

季爽圍壽州 季元北並作李是

赦鳳成西和階山五州 案紀上六年十一月丙午克西

和州十二月壬子克成州辛酉入鳳州獻階州惟山州

未見克獻等文完顏綱傳上云四州下又云五州遺山

集王擴碑亦云獻五州而宋史吳曦傳云開禧二年遣

客姚淮源獻階成和鳳四州于金三年正月引金兵入

鳳州以四郡付之表鐵山爲界慶元黨禁亦云二年四

月二十六日丁丑遣客詣金獻關外四州並無五州之

文則紀語恐不實 又歸潛志劉昂上平西詞亦有洗

五州煙瘴之句惜李心傳西陲泰定錄張革誅吳錄毛
方平丁卯實編郭士甯平叛錄諸書皆未見

四川安撫使安丙遣四和州安撫使李孝義 四川上當

加宋 四和當作西和 李孝義宋史本傳作李好義

戊午烏古論誼 烏上當加以

兼左副元帥定國公 左副當作都 公下當加行省于

汴

攻下蘇嶺關 蘇當作鶻

丙午詔策論進士 丙當作戊 案此重書丙午必譌

八年

戊辰 宋嘉定
元年蒙古三年

把面海 面元北並作回是

左司郎中劉昂通州刺史史蕭監察御史王宇吏部主事
曹元吏部員外郎徙單永康大使馬良顯順州刺史唐
括直思白坐與蒲陰令大中私議朝政皆杖之 曹元

下當加戶部員外郎李著監察御史劉國樞尙書省都

事曹溫雄州都軍馬師周

孫鐸傳

案坐事十一人外復

有參政賈鉉

本傳

宗室從郁

見劉昂傳

紀亦失載又賈鉉傳云

與審官院掌書大中漏言除授事劉昂傳亦云掌書不
云縣令攷之鉉降節度大中遷縣令自屬七年冬事此
八年正月復記受杖諸人事兩人不受杖故也

宰臣上表謝罪

案上下文不知所謝何罪大約是大中

案內

日暈三重 三北作二與天文志合

閏月 宋志開禧三年大理評事鮑澣之言統天術來年
閏差願以諸人所進厯令秘書省參攷頒用祕書監曾
漸言來年閏差其事至重今年八月便當頒厯外國而
三數月之間急遽成書願以衆厯參攷擇其與天道最
近且密者經用庶幾來年置閏不差 直齋書錄解題
開禧厯三卷鮑澣之撰開禧三年詔附統天厯推算當
時緣金人閏月與本朝不同故於此厯加五刻天道有
常而造術以就之非也 案此爲宋厯差而改從金閏

四月者攷宋高紀建炎三年閏八月太宗天會七年無
又紹興五年閏二月天會十三年無又十六年閏六月
熙宗天眷三年無又二十九年閏六月海陵正隆四年
無宣宗貞祐四年閏七月宋甯紀嘉定九年無宋理紀
寶慶三年閏五月哀宗正大四年無又紹定三年閏二
月正大七年無又熙宗天會十五年十月應有閏而宋
高紀紹興七年亦無推其甲子皆得三百八十四五日
大抵無事不書惟宋甯紀慶元六年閏二月章宗承安
五年無此非無事自是癸卯文上脫載太宗天會四年
閏十一月宋欽紀靖康元年同而紀聞拾遺作閏八月

乃丁氏誤記 又三國時吳用乾象魏用景初而蜀漢
仍用四分故閏朔多不合北魏正始元年閏十二月梁
天監三年閏次年正月蜀王衍丙戌年閏正月後唐歷
閏上年十二月周世宗顯德五年閏七月南漢閏六月
遼聖宗開泰九年閏二月宋厯閏十二月宋神宗元豐
元年閏正月遼閏上年十二月大抵三光分曜之時置
閏或殊至宋金兩朝疇人寫擬尤不敢自恃是以陰相
附和以示符同故與他朝異也

此乃更始 此乃北作自此非

遣使分路捕蝗 此下當加詔御史分理冤獄 案見遺

山集王擴碑

以副都點檢完顏侃 副上當加左

表

崩於福安殿 淦水集有挽詞

年四十一 此下當加十二月遣裴滿正如宋告哀遣蒲

察知剛賜宋遺留物遣使如宋告卽位 案三使皆據

宋宿紀補

卷十三

衛紹王紀

乃以衛王子按陳 陳永蹈傳作辰 案地志東京蓋州

遼辰州以與陳同音更當以陳字爲是

已而改武定軍節度使 案改官見章紀泰和七年二月
當有奉詔受蒙古貢幣不禮請兵等事紀文諱耳

匡等傳遺詔立衛王 此下當加其遺詔略曰皇叔衛王
承世宗之遺體鍾厚慶於元妃人望所歸歷數斯在今
朕上體太祖皇帝傳授至公之意付畀寶祚卽皇帝位
於柩前載惟禮經有嫡立嫡無嫡立庶今朕之內人見
有娠者兩位已詔皇帝如其中有男當立爲儲貳如皆
是男子擇可立者立之 案據完顏匡傳文此詔不合
載匡傳本攷異說

大安元年

己巳 宋嘉定二年
蒙古太祖四年

大赦

此下當加追尊皇

妣李氏爲光獻皇后

傳

案衛王記注亡失今從王百

一采摭外更據傳錄及宋紀攷補二十六條

初章宗遺詔

至

願削髮爲尼

八十字當削

案文與李

元妃僕散端傳複

三月

此下當加宋使來弔祭

案宋甯紀使爲曾從龍

四月

此下當加宋使來賀卽位

案宋甯紀使爲宇文

紹彭

幸海王莊臨奠魯國公主

公上當加長

案世宗元妃

李氏傳葬於海王莊烏古論元忠傳世宗以長女妻之
後封魯國大長公主章宗時爲大長公主衛王時當稱

長公主

宋遣使來賀

此下當加遣使賀宋生辰

宋紀

十月歲星犯左執法

月下當加丙寅熒惑

志

十一月平陽地震

月下當加丙申

志

自西北來

此下當加遣使賀宋正旦

宋紀

進封兄越王永功爲譙王

越當作郢

傳

譙王下當加

宛王永升爲夔王

傳

爲太保

此下當加是歲以皇子肸王從恪爲右丞相左

丞孫卽康右丞獨吉思忠同爲平章政事以知興中府

承暉爲御史大夫

各傳

又當加始稅間架

王維翰傳

二年 庚午 宋三年 蒙古五年

正月庚戌朔

戌當作寅

案宋甯

紀上年十一月辛卯朔據改

朔下當加宋遣使來賀

案宋甯紀使爲費培

沒於蜀中

蜀元作濁是志亦作濁

地大震

此上當加乙酉

志

以禮部侍郎耿端義爲參知政事

案端義傳不官禮侍

其拜參政在貞祐元年十一月

北方有黑氣

此上當加壬申

志

宋遣使來賀

此下當加遣使賀宋生辰

宋紀

清倉

倉當作滄

十一月 此下當加遣使賀宋正旦

宋紀

十二月辛酉朔日有食之 疑作乙卯朔 案是年日食

宋在六月丁巳朔紀在此朔下者不足校蓋王百一采
撫司天災異十六條中必載此食而失其月朔不能定
若用是歲云云例加入未免形陋故用古人歲終書閏
例注入以爲月雖差而年尙合且因比年災異太多此
食反視爲故事耳養新錄引李氏云此朔當在前一年
其說實本監本天文志特文下災變多屬二年則志中
元字乃二字之譌要之止定辛酉爲元年十二月朔則
可而日食反差一年此乙卯上據宋紀九月丙戌朔下

據本紀三年正月乙酉朔改爲疑朔實則史文此十字皆可削也

不得傳說邊事 此下當加是歲譙王永功追封越王

傳

三年

辛未宋四年蒙古六年

有大風

此上當加乙亥

志

有黑氣

此上當加辛酉

志

四月我大元太祖

元本大元提行太祖又提行

北無

我字是

參知政事奧屯忠孝爲尙書右丞 案忠孝傳止兼禮部

尙書並無參政右丞等拜傳言參政在貞祐初此時殆

一拜卽罷而傳略之耶抑此紀有譌耶

十月 此下當加己卯志 案己卯當是十月朔

熒惑犯壘壁陣 此上當加癸巳志

泰州刺史木虎高琪 秦當作秦傳

十一月 此下當加遣使賀宋正旦宋紀

懷來 當作媯川志

初徒單鑑至上乃大悔 七十七字當削 案文與徒單

鑑傳複

胡沙責授咸平路兵馬總管 案承裕傳亦除名迨至甯

元年始兼總管

萬戶瓜頭 爲納蘭氏見李英傳

屯古北口 此下當加詔中都西京路及清滄州並免今

年賦稅

程卓使
金錄

僕散端能 此下當加是歲平章孫卽康致仕以賈益謙

爲參知政事

傳

崇慶元年

壬申 宋五
年蒙古七年

正月朔 月下當加己酉

以御史大夫福興爲參知政事 案紀書此在三月下五

月又書參知政事福興爲尙書左丞攷承暉傳行省宣

德承裕敗績於會河亦坐除名則兩拜皆當在大安二

年此疑誤

參知政事孟鑄爲御史大夫 案鑄傳止云至甯元年復

爲御史中丞其參政大夫皆無攷

武安軍節度使致仕賈鉉 武安當作安武傳 案鉉起

復參政本傳無文

流華滿野 華當作萃

七月 此下當加辛未志

萬秋節 此下當加宋遣使來賀 案宋甯紀使爲傳誠

不設宴 此下當加遣使賀宋生辰宋紀

十一月 此下當加遣使賀宋正旦宋紀

謝封冊 此下當加是歲命參知政事梁瑋翰林承旨張

行簡同修章宗實錄張行信傳

至甯元年

癸酉 宋六年蒙古八年

正月

此下當加癸卯朔宋遣

使來賀

案宋甯紀使爲應武

王維爲參知政事

維下當加翰

傳

事下當加左丞徒

單公弼爲平章政事

傳

將兵備邊

此下當加敗績

傳

福海男

三字當削

都統石古乃

都統當作護衛

傳

烏古論孫刺順天軍節度使

此下當加蒲察六斤橫海

軍節度使

傳

并其子皆殺之

并其子皆四字當削

胡沙虎者紇石烈執中也 十字當削

順天軍節度使 使上當加副

餘轄 餘當作鈐

贊 張承旨家于本 于當作手

卷十四

宣宗紀上 甲辰卽皇帝位 此上當加九月衛紀

又判永定彰德等軍 定下當加汾陽耿端義傳

九月乙巳朔 九月朔三字當削

改元貞祐

癸酉 宋嘉定六年 蒙古太祖八年

前所更名三字 三元作

二是 案指從嘉二字

張行信上封事 此上當加甲寅傳

詔贈死事裴滿福興及鄆陽石古乃官 案紀書死事不

立傳者福興之外又有戶部郎中魏琦貞祐四年六月諸城軍

官任福興定元年五月潞州都統馬甫十二月錦州元帥劉仲亨

二年沂州提控齊信六月葭州刺史紇石烈王家奴三年三月

合河縣令喬天翼八月泗州提控王祿五年正月鳳翔萬戶完

顏醜和尚元光二年四月并興福凡十人失書贈卹者六人

此下當加暴執中過惡削其官爵詔中外傳

以橫海 此下當加參知政事胥鼎能傳

兼前職 此下當加遣禮部郎中粘割貞等詣大元乞和

傳

又當加夏人陷鞏州節度使夾谷守中死之案

此文據表補又據本傳改涇為鞏

二年

甲戌宋七年蒙古九年

命僕散安貞等為諸路宣撫使案

諸路可攷者安貞山東路

本傳

奧屯襄北京路

本傳

完顏弼

陝西路

本傳副使烏古論兖州

武都河東路

本傳俄以胥鼎代南路

烏古論

禮河東北路

本傳

蒲鮮萬奴東京路

副使完顏海奴見鐵哥等傳

惟裴

滿子仁見安貞傳不詳何路

以備錄用

此下當加右丞相徒單公弼罷

傳

以都元帥承暉為平章政事

平章政事當作右丞相

傳

封申國公

此下當加佐皇子留守中都

傳

遷衛紹 此下當加王

以按察轉運使高汝礪 按察轉運使當作戶部尙書傳

寶鎮閤灾 閤元作閣是

曲赦山東路 此上當加戊辰傳

鉤鈴星 鈴當作鈐

三年乙亥 宋八年 蒙古十年 右副元帥蒲察七斤以其軍降於大

元 右上當加大元兵下通州完顏六斤石抹明安傳 案元太

祖紀作金元帥寅荅虎烏古論以城降譌

宋遣使來賀 此下當加大元兵徇霸州中丞李英兵敗

死之盡失所運糧傳

李華 華當作革

前年京兆治中李友直私逃華州結同知防禦使馮朝河
州防禦判官郝遵甫平涼府同知致仕楊庭秀水洛縣
主簿宿徽等團集州民號忠義扈駕都統府相挺爲亂
殺其防禦判官完顏八斤及城中女直人以書約都統
楊珪爲府兵所得珪諱之請自效誘友直等執之磨所
招千餘人納仗阬諸城下時京師道路隔絕安撫司以
便宜族友直等至是以狀聞乃贈八斤及被害官軍十
餘人各一官賻錢三百貫夏四月癸巳河東宣撫使胥
鼎陳利害十三事長勝軍都統楊珪伏誅 一百八十

五字當改作初京兆治中李公直

韓玉傳中州集並作公直此紀作友直譌

至華州結同知防禦使馮朝河州防禦判官郝遵甫平涼府同知致仕楊庭秀水洛縣主簿宿徽等圍集州民號忠義扈駕都統府謀舉兵入援其防禦判官完顏八斤及城中女直人不從者公直殺之以書約都統楊珪爲安撫使所得遂誣以謀反命珪誘執之盡族公直等阮其衆時京師道路隔絕至是以狀聞贈八斤及被殺十餘人各一官賻錢三百貫夏四月癸巳河東宣撫使胥鼎言利害十三事爲公直等辨誣

鼎傳十三事中有獄獄一條益

卽指此事

長勝軍都統楊珪伏誅

案文中私逃挺亂便宜

伏誅等語前後抵牾蓋始以安撫之蒙蔽並遭誣陷繼以宣撫之申奏方正罪名此乃實錄未刪之藁漫鈔入紀者此事惟略見於韓玉傳紀以諸人無傳故載筆小詳而前奏失於改正一似公直等果謀反矣今攷定如此又韓玉傳云公直一軍行有日矣將有違約國朝人有不從者輒以軍法從事京兆統軍便謂公直據華州反卽指擅殺判官及女直人事當時以此爲謀反實據者也楊珪雖誅而是年陝西安撫使完顏達吉不副使烏古論兗州統軍使完顏合打不聞因此獲譴公直等俱無贈卹而韓玉牽連亦未省釋殆以是歟又公

直以下諸人事狀多佚惟楊廷秀事散見於紀志及他

書碑碣者尙可攷廷秀字德懋華州人爲大定中進士

中州集本傳

由進士出令高陵入官補闕由補闕改修撰由

修撰出刺澤州由刺史遷平涼府同知致仕其在諫垣

請轉對移聞

章紀承安四年六月丁丑

類集聖訓

又十二編次日曆

又五年間

二月丁未

在詞垣奏定州縣聽訟條約

刑志承安五年十二月咸

蒙道陵俞允克稱厥職刺州政績雖不傳第寺碑所述

陝石山福嚴禪院記潛研堂金石文跋尾續引之

隱然以文吏自附許

安李仲略

當亦不甚相下至致仕後復能團義鄉郡奮勇勤王晚

節尤可尙夫金國自大安貞祐以來四境交兵圍燕窺

汴中原不知誰屬忠義之士誠有不容坐視者故讀其

成皋道中詩云九關欲上虎豹怒三徑未埽松菊荒崧

少雲煙聊駐馬漢唐宮殿兩已羊質與韓溫甫檄語

韓玉

傳及中州集

同挾悲憤之氣惜乎時會不齊竟遭誣陷與李

公直等駢首族滅士論冤之他若龍泉碑文秋澗詫爲

奇作

王惲題陽城北龍泉寺詩後云萬松亭久廢手撰短碑看注碑爲大定間澤州刺史楊廷秀撰真奇

作也又如高陵縣灝靈門等碑法輪寺詩書撰並出一手

其文章字畫自負尤不淺而史載闕如故引所見附志

之

平時可以以元作耳是

從事郎 事元作仕

艾國公 艾元作芮是

遂止 此下當加大元兵克曹州

馬驥傳

徵弓箭丁內外京官 丁巳作于與元本合

亡夫告身 夫元作失是

遇土寇 遇當作過

特遷三官升正五品職 九字當改入上招徠民戶至五

萬文下 案此賞粘割忒隣復立冀州功也

行中書省 中當作尙

其不可大用者 不已作才與元本合

乙酉監察御史 乙巳作己與元本合

掠城武 城元作成是 案地志作成

及差委官 差委元作委差

平原 元作平涼是

杖之八十 此下當加以參知政事高汝礪爲尙書右丞
傳

以秋稼未獲 獲已作穫與元本合

設潼關提控總領軍馬等官 此下當加己巳以左諫議

大夫把胡魯等爲賀宋生日使

表

護治鞏國公按春第 春當作陳 案永蹈傳子按春已

賜自盡泰和七年詔以衛王子按辰爲後奉其祭祀當封國公傳略耳按辰當從衛紀作按陳官志有提控鞏國公家屬次在衛鎬後者卽此

按春所爲不慎 春當作陳

按春尋以不法 春當作陳

黜衛紹王母李氏光獻皇后尊謚神主在太廟畫像在衍慶宮並遷出之 衍當作啓 案世宗元妃李氏傳無畫像事且衍慶宮在中都是年五月巳爲蒙古所破何由有九月衍慶遷出之文在南京者自名啓慶

東鹿 東元北並作東是

能募民進糧五十石以上 十元作千是 案募糧事又

見高汝礪傳乃在興定三年

出爲集義軍節度使 義當作慶

召中奉大夫 奉當作議

上與尙書左丞汝礪 左當作右

庚辰 此下當加以拱衛直都指揮使蒲察五斤等爲賀

宋正旦使

表

亦以官絲 絲北作紆非

口口勞民 勞上已加戒勿與元本合

陀滿胡土門 門下已加進官三階再任與元本合 此

下又當加是歲以皇子濮王守純爲樞密使

傳

四年

丙子 宋九年 蒙古十一年

正月

此下當加乙卯朔宋使賀

正旦

表

侯摯進尙書右丞

此下當加吏部尙書李革爲參知政

事

傳

太原元帥監軍

監上元有左是

招其民降比者比已作北

得四千三百三餘人

元作四千三百餘人是北作四千

三百三十餘人非

詔免逃戶租

逃上當加陝西

請遣官勸農 勸元作劬

大元兵圍太原 太原當作平陽

晉鼎傳

任國公瑋薨 卽豫王永成子

溫撤可喜 撤元作撒是

比商販米 比元作北是

水星晝見于奎 水已作歲元作木

候事定 候元作俟

壬戌賜張行信寶券二萬貫重幣十端旌其議禮之當

二十一字當改入下十二月李革罷文下

傳

攻防州 防當作坊

言卷二一
以中尉衛完顏奴婢等 此上當加乙未表 尉衛當作

衛尉

攝大尉 大元作太是

河南行省胥鼎 南當作東傳

以運軍上衣糧者 上北作士是

戶部郎中魏琦 歸潛志魏戶部琦字民英宏州順聖人
少工詞賦擢高第爲鄴陽令有治行南渡爲南京留守
判官遷戶部員外郎郎中以材幹稱貞祐末北兵犯潼
關行部軍前至洛陽見殺朝廷官其子焉

大元兵至沔池 沔當作澠

進所獲馬馳馳元作馳是

卷十五

宣宗紀中

興定元年

丁巳 宋十年
蒙古十二年

三月戊寅

此下當加朔

降葛仲

葛仲卽葛鐵槍見元史肖乃台傳

權知眞定府事

此下當加是月起復禮部尙書張行信

權參知政事

官給其種

種北作糧非

各司察之

司當作伺

尙書右丞蒲察移刺都棄官擅赴京師

尙書右丞當作

上京宣撫使 案移刺都自上京逃歸故以爲罪若書
右丞則本宜在京師不見其罪矣

下沔城縣 沔當作諸

壬午從宜移刺買奴 此上已加十一月

楊雲翼榮之 榮當作榮

元帥左監軍蒲察五斤進右副元帥權參知政事充遼東
行省 案文二十六字與完顏阿里不孫傳不合疑譌

二年

戊寅 宋十一年
蒙古十三年

元本北本二年提行是

李雄韜 李北作季非

獲歸國人言大元兵圍夏王城 案文知此事當在丁丑

年元太祖紀卽載於十三年戊寅非也

辛亥張行信 張上當加參知政事

殊不知當闕乏時 知元作思是

長春節 此下當加免朝賀

上京行省蒲察五斤表左監軍哥不魯誣防州宣撫副使
紇石烈按敦將叛而殺之 案此事不見列傳惟完顏
阿里不孫傳伯德胡土戕殺阿里不孫監軍溫迪罕哥
不魯與上京留守蒲察五斤所遣使二人合謀召胡土
誅之哥不魯進一階亦與此文迴不相合此云防州無
其地紇石烈按敦無其人誣叛而殺無其事當必有譌

夏四月壬寅朔蒲察五斤 蒲北作捕非

完顏素闌 闌當作蘭

傳

部落竭 部元作步

黃樞阿魯荅 樞元作摑是北作樞非 宋李全傳黃摑
者卽阿魯荅爲經歷官是也

集兵應州飛樛 樛已作狐與元本合

更審處之 審北作深非

有司議贈卹 此上當加詔

治京獄冤因 因當作囚

勢連及帥府 勢下當加必

用點檢承元言 元當作立傳

江北行省 江當作河

詔河北行省完顏霆 省下當加遣

招撫使田琢 此上當加詔

侍郎郎中員外郎 七字當削

防刺長官 此下當加充

勾當官 此下當加充

權石都監 石元作右是

甲申河東南路 河上當加詔

納合蒲刺都 蒲北作滿非

敗夏人於質孤保 保當作堡

嵐州元帥古里甲完復河東 嵐上元有與是 甲下當

加石倫 案此族無顯人時人止呼其氏史文因之與

石家奴止書蒲察同

三年

己卯 宋十二年蒙古十四年

上濠州香山村之捷 濠北作壕

非

諭宣徽 此下當加院

元帥右都監承立 右當作左

擒統制李申之 申之有詩見歸潛志

破宋人於海林闕 海當作梅

閏三月 當作閏月 案史例書閏不計數況上文已有

三月

付嵐州帥古里甲 此下當加石倫

破葭州之通泰砦 泰當作秦

陷其西南隅 隅當作隅

詔赴遼東等處 赴當作付

撫諭其軍民 此下當加是月益都總領張林以青莒密

登萊濰淄濱棣沂甯海濟南十二州叛入於宋

宋李全傳

置東西南三路行三司 東上當加京

遣徒單思忠以地震 以地震三字當改入遣字上

言卷二
西京行三司 西京當作京西

邢洛 洛元作洛是

貸之

此下當加是月右丞賈益謙進左丞

傳

完顏仲

此下當加元

傳

眞定招撫使武仙請給金銀符

武仙二字當改入請給

下

案仙是年以防禦兼同知安得稱招撫其招撫使

恐尙屬惟宏

以樞密副使僕散安貞同簽院事譌可行院事于河北

案此文與兩傳皆不合

尙書以希隆罰輕 書下當加省

誅高琪

此下當加壬申雨木冰志

又當加詔移文夏

國傳

卷十六

宣宗紀下

四年

庚辰 宋十三年 蒙古十五年

進官一階

此下當加是月左丞

賈益謙罷

又當加封滄州經略使王福等爲九公皆

兼宣撫使賜官力忠臣總帥本路兵馬官吏賦稅便宜

行事

苗道潤傳

又當加夏人公移語不遜詔詞臣草牒折

之傳

寇樂陵監山

監已作鹽與元本合

橫海節度使 海下當加軍

完顏畏可 完當作兀

山東民僑居者募壯士五百人 募字當改入山東上

使大元 此下當加是月右丞侯摯致仕

傳

戊戌 戊巳作成與元本合 案遺山集濮州碑云成侯

江卽此

進章宗實錄 滌水集有進呈表

又犯靈臺第一星 臺下當加北

山東東路軍戶徙許州 徙元北並作徙是

詔柴茂權元帥左都監 都監當作監軍

五年

辛巳 宋十四年 蒙古十六年

拓南京諸河

拓元作括是

河

元作州

河下志有灘字

南伐事軍

軍元作重是

詔諸道共集蔡州 共元作兵是

及監官

監下當加當

改授西省節制

授元作受疑作陝

張子英

子北作于非

隨處士民

士元作土是

案土民對下客戶而言

以寬士民

士元作土是

有能墾闢閒田

闢北作開非

李术魯合往 往元作住是

元光元年

壬午 宋十五年 蒙古十七年

壬午遣官 午巳作子與元

本合

卽濫乘者 卽北作有是

防州刺史 防當作坊

西面節度使 西面未詳元作西西亦譌

壬辰詔 辰巳作申

就糧屯 此下當加是月參知政事把胡魯罷

傳

又當

加元帥右都監完顏合達遷左監軍權參知政事行省

事于京兆

傳

宋人以事兵 事元作重是

輒杖左右司 杖北作授非

掠確山縣之劉村 此下當加壬戌長春節免朝賀

諸監官 監下當加當

七月 七上元有秋是

以左古警巡使 古元北並作右是

下榮州之胡壁堡 榮當作榮 案卽榮河縣

權元帥元帥右都監 下元帥北作府 案當削一元帥

字府字亦衍

攻鳳翔 此下當加是月把胡魯進右丞 傳

二年癸未 宋十六年 蒙古十八年 甲寅上謂宰臣人有才堪任事至

上以爲然 五十五字當削 案文與高汝礪傳複

臣下當有曰

完顏醜和 此下當加尙

京東總帥 此下當加牙吾塔

有護衛二人私語 案此等事已見於魏鄭公宋仁宗

章宗秋還 還元本空缺 還上宜加獵

并以納合六斤 斤當作哥

銀靑榮祿大夫 榮北作光非

權御史中丞師安石等 案傳無權字

沔池 沔當作澠

十一月己亥 此下當加朔

謚大行 湓水集有謚議哀冊又歸潛志潘翰林仲明宣

宗玉冊哀冊皆其筆

贊 北顧有道之朝 有道北作大元非

卷十七

哀宗紀上

正大元年

甲申 宋嘉定十七年 蒙古太祖十九年

上始視朝 此下當加

右丞把胡魯拜平章政事

傳

平章政事荆王守純罷判睦親府 當作英王守純進封

荆王罷平章政事改判睦親府

以延安帥臣 延安當作京兆

行尙書省事于京兆 京兆當作延安

賜詞賦進士王鶚以下五十人及第 案遺山集御史孫公表是年詞賦及第並授奉直大夫而宣宗貞祐三年進士第一乃授奉直則此當更優紀略耳

上以心喪 心北作新非

詔諭百官 王惲玉堂嘉話李翰林欽叔一日與杜仲梁在茶肆中有司召公甚急公曰無他多是要撰文字渠留此勿去少當卽來已而果至曰爲戒諭百官草詔適

當筆者應奉程天翼程初入供職有猝不易稱者公遂立草五百餘字允協事宜甚稱上意其辭曰朕新卽大位肇親萬幾國事實爲未明政統尤懼多闕尙賴爾文武多士內外庶僚上下同心始終戮力以副遺大投艱之託共成興滯補廢之功然而養資考者每務以因循嗜閑逸者或託於疾病因之積弊習以成風事至於斯朕將何稱蓋嘗深惟百姓勤勞之意尙能不忘累聖涵養之仁服田力穡而以給租庸輓粟飛芻而不憚征繕凡爾等身膺高爵世享厚恩夫有國乃可以有家而爲臣亦猶之爲子未有國不安而家可保必須臣竭力而

君以甯加之事屬方殷時丁多故舊疆待乎恢復強敵期以削平正當經營之秋難行姑息之政朕旣夙宵軫念庶幾宏業以昭功爾等朝夕在公豈宜玩歲愒日夫湯刑以儆具位周典以正百官茲出話言以爲明訓掌刑者有法可奉母使有冤抑之情典選者有格可循母妄求疏駁之節錢穀當審知取予母吝於出納之間臺諫當指陳是非母涉於細碎之事司農以敦本察吏不可苟且而曠職名司牧以扶弱抑強不可聚斂而營私計至於大而分閭小而掌兵固當志殄寇仇日闢土宇受朝廷之託必思報國念功臣之後常恐辱先又豈

可平居□□□□臨事或生於畏懼視郡縣之官忌
分於彼此役部伍之卒不計於公私凡我有官所當共
戒其敬遵於邦憲務恪慎於官箴享富貴於當年垂功
名於身後且賞罰期於必信而功罪貴乎正明茲誠前
代之良規亦我祖宗之已事今當伸法要在決行嗚呼
任賢使能周室固聞於興復綜名核實漢家遂致於肅
清公勤者賞不敢私弛慢者刑茲無赦各勤爾職明聽
朕言故茲詔示想宜知悉 案哀紀正大元年二月八
月無文二年二月三月六月十一月十二月三年二月
九月十二月四年四月九月五年十月六年正月四月

六月七年二月三月四月九月十一月十二月八年二月三月六月八月皆無文因疑瞻思帝紀之失載又白撒傳元光後至正大初闕四年事合喜傳凡闕七年事女魯歡傳凡闕八年事亦疑壬辰雜編之脫文要之皆非也蓋自宣宗末造開封府報衙聲已在百官朝拜之後張行信許道真言事皆不及前弛慢之風積習既久況是時蒙古西征宋兵亦罷中原無事文恬武嬉坐俟國凶毫不知怪此詔爲哀宗勵精圖治之始欽叔代言確能指出掌刑典選數條並及養資考嗜閑逸諸弊可謂切中朝臣利病惜乎徒託空言無補國是紀傳皆不

採故補注之

桓州刺史 桓當作恒 案西京桓州失去已久此爲蓋

厓縣所改者

上欲彰先帝之過 欲上當加不

二年

乙酉 宋理宗寶慶元年蒙古二十年

今稱帝以和 帝北作弟是

三年

丙戌 宋二年蒙古二十一年

討反賊萬家奴 家當削

以禮部尙書楊雲翼等爲益政院說書官 案此官自楊

之美外可攷者呂造完顏奴申蒲察世達三人

遣中大夫完顏履信爲弔祭夏國使 中下當加奉 信

下當加等

表

使下當加是年以工部尙書師安石爲

左參政傳

四年

丁亥 宋三年 蒙古二十三年

辛亥朔 三字已削

獲馬八千 案牙吾塔傳作三千 千下當加是月召合

達還朝拜平章政事傳

大元兵平德順府 府當作州

徵夏稅二倍 此下當加四月丙申詔羣臣議陝西事

正月丁丑 案宋理紀閏五月己卯朔從是日丁丑順推

至六月戊申朔計三十有二日中必有閏

進士第 此下當加是月夏國亡 案西夏傳正大三年

七月德旺死明年王覲二年夏國亡交聘表是年夏遣情方

甌厓使王立之來未復命國亡元太祖紀二十二年丁亥六月夏主李睨降宋史夏國傳丁亥秋爲大元所取夏國亡

工部尙書師安石 工部尙書當作參知政事

傳

進之定遺訓 之北作大是

外臺監察御史 案完顏匡傳章宗立提刑司專糾察黜陟當時號爲外臺

詔贈德順府死事愛申馬肩龍等官 府當作州

五年

戊子 宋紹定元年 蒙古戊子年

陞蒲胡士門 蒲元作滿是

烏古論不魯刺 不當作石

奴申傳

禱於上清宮 此下當加右丞赤蓋畏忻罷傳

減其工三之二 二當作一白華傳

充國信使 充下當加大元

六年

己丑 宋二年 蒙古太宗元年

馳喻蒲阿 喻當作諭

三月乙亥忠孝軍總領陳和尚有戰功授定遠大將軍平涼府判官世襲謀克 三十字當改入七年還京兆文

下

后抹冬兒 后元北並作石是

八月 此下已加丙申

十月 此下已加乙未朔

十二月 此下已加乙未

七年

庚寅 宋三年蒙古二年

還京兆

案宋理紀是年閏二月自

六年十月乙未朔推至是年七月庚寅得二百九十五

日中必有閏

七月

此下當加庚寅朔

合達傳

權樞密副使

此下當加中丞完顏素蘭爲參政行省于

京兆

傳

十月

此下已加己未朔

八年

辛卯 宋四年蒙古三年

元本八年提行是

棄京兆遷居民於河南

張禮游城南記薦福塔續注貞

祐乙亥塔之纏腰尙存辛卯遷徙廢蕩殆盡惟輒塔存
焉又三壇續注西北有唐贈戶部尙書楊貞公瑒廟碑
楊氏苗裔泰和間尙盛人呼爲廟坡楊辛卯遷移無聞
焉又元醫之居續注興定辛巳間尙爲元氏遷徙後無
聞焉

而樞密院議以逸待勞 樞密已作東省與元本合

上諭之曰至惟不負吾民可也 六十八字當削 案文

與合喜傳複

天興元年

壬辰 宋五年 蒙古四年

以便召問 此下當加下詔求

言於東華門接受陳言文字

錄大梁事

行元帥府事 此下當加于許州

古里甲石倫傳

起近京諸邑軍家屬 邑元作色是

次盧氏 此上當加大元兵

分隸諸帥 帥北作師非

劉益比其子戰死 比元作叱是

楊仁 仁上當加居

乙丑將相受保城爵賞 丑已作已與元本合

國用安 用安已作安用

保忠廟 保元北並作褒是

飛虎軍士 士北作事非

又益兵五十人 十元北並作千是

虎顏思烈 虎元作完是

壬子 當改入上中京文上 元本無此二字

行京都路尙書省事 都元作東是

戊寅 二字當削 案戊寅卽下九月朔此譌

卷十八

哀宗紀下

軍士殺鄭門守者出之 之元作奔是

庚辰起上黨公張開及臨淄郡王王義深廣平郡王范成

爲元帥

庚元作壬是

臨淄當作東平

白華傳

廣平

當作膠西

同上

范成下元有進是

范乃速 范已作蒲與元本合

賜越王 三字已削 元有越王二字無賜字

賜兗王用安 用上已加完顏

杖殺孝婦於省門 此下當加是月以強伸爲中京留守

行元帥府事

傳

期以十二月一日入援 此下當加是月復起白撒爲平

章政事兼右副元帥

傳

權興寶軍節度使 興寶當作寶昌

遣近侍郎白華問計 郎北作卽是

鞏昌元帥完顏忽斜虎至自金昌爲上言京西三百里之間無井竈不可往東行之議遂決 昌下當加請西幸便白撒 案忽斜虎主西幸白撒主東行據此文似東行之議出於忽斜虎矣非也乃脫文耳

二年

癸巳 宋六年蒙古五年

丁酉上哭祭戰死士於河北岸 丁

巳作巳與元本合

完顏忽土出 忽女魯歡傳作胡

女魯權不可 權當作權

馬軍都元帥 馬軍巳作軍馬與元本合

張節 節上當加大

裴蒲阿虎帶 蒲已作滿與元木合

講議蒲察琦 此下當加戶部尙書完顏珠頤

崔立傳

癸酉 崔立傳作壬申

庚午至歸德 庚午已削

二百八十餘人 女魯歡傳作七百人

以忠孝甯爲亂 甯元北並作軍是

辛巳官奴真授參知政事

至

謀誅官奴

七十六字當改

入下俱入宋文下 巳元作卯當作亥 自古無不

忘之國忘元作亡是 辛上當加五月己酉官奴敗大

軍于王家寺

傳

案官奴傳真授參政在五月五日己

酉王家寺戰勝之後不合反在四月前乃錯簡耳

俱亡入宋 此下當加是月前譙縣尉王進等復亳州

烏古論蒲鮮 婁室傳作忽魯

至浙水 浙元作浙是 宋理紀七月敗武仙於浙江

婁室行省院於息州 案與傳不合

設四隅和糴宮 宮當作官

九月癸卯朔 當作壬寅朔 案下文庚戌爲重九則癸

卯非朔也宋理紀亦壬寅朔

十月戊辰更造天興寶會 辰巳作寅 北無會字非

獨此爲介介爾 爾元作耳

三年甲午宋端平
年蒙古六年

帝自縊於幽蘭軒 此下當加年

三十七

贊 宣宗南度 度已作渡

卷十九

世紀補 元本有補字南北本脫 補下北注追尊二字

景宣皇帝 集禮天會十三年奉上諡號乾文閣直學士

蔡靖攝門下侍郎乾文閣待制吳激攝中書舍人

改葬興陵 此下當加皇統五年增諡允恭克讓孝德元

功佑聖景宣皇帝

降帝爲豐王 豐海紀作遼

睿宗 本諱譌里朶 案宋史作窩里唄

魁偉尊嚴 此上當加帝

宋馬括兵 此上當加六年正月

紀

北拔离速至揚州 北當作比

或宗輔宗翰宗尹中 翰當作幹

降甘泉等三堡 三果傳作二

甘塔 塔已作谷

慕洎 慕西夏傳作暴

十三年 此下當加五月甲申

紀

案集禮五月十一日

廢務

世宗卽位追上尊諡 追下當加諡簡肅皇帝大定三年

九月加紀

改葬於大房山 昂傳爲敕葬使卽此

顯宗 按百官以禮勿以儲以生驕慢 按已作接 儲
以北作儲位是

四年 此下當加六月己巳帝有疾世宗往視紀

受冊謁謝太廟服常朝服乘馬 案禮志皇帝恭謝儀降

輦升輅未嘗乘馬乃大定七年後之制此則指五年三
月上尊號時事尙在前也

庚戌受皇太子冊寶 戊當作辰紀 受當作授 集禮

七年十二月一日命侍講學士張景仁撰冊文禮部侍郎劉仲淵書冊篆寶五日差工部侍郎張仲愈提點儀仗二十五日命右丞相良弼告天地樞密使志甯告宗廟平章政事守道攝侍中奉寶讀寶右丞石琚攝中書令奉冊讀冊

隋王惟功 惟已作永

十一月丁亥 此上當加十一年

十二年十月 二元作三是

十四年四月 此下當加戊辰有事於太廟帝攝行祀事

紀

上卻之 上北作帝是

或能留一二年 一北作三

謂諸侍中曰 侍中已作中侍

帝冬獵 案集禮守國儀皇太子起居表問園獵事如何
勅旨來往日數從太子所欲又釋重玉有從顯宗皇帝
幸龍泉寺詩刻是也

二十五年正月乙酉 此下當加朔

紀

張僅言 僅北作謹非

贊 太子之猛安也 子元作祖是

宗翰請立熙宗宗望不敢違 翰當作輔 望元作翰是

舊史稱濬宗

濬元作睿是

金史詳校卷二

同治己巳四月烏程汪日楨校錄于開元寺
寺在紹興府城會稽縣治南百餘步